

BILTEN

BR. 24

Informativne novine IZB u Švedskoj

SEPTEMBAR 2016

UVODNIK



Ovih dana održano je veoma uspješno Savjetovanje za džemate Islamske zajednice Bošnjaka u Švedskoj. O ovom događaju možete pročitati u posebnom tekstu, a mi ćemo se ovdje osvrnuti na diskusiju hafiza Jusufa Horozovića, koja je možda najbolja poruka sa ovog skupa. Naime, u izvještaju o stanju u svom džematu, hafiz se kratko osvrnuo i na turbulentna vremena u džematu koja su, hvala dragom Bogu, iza njih.

„Mi smo se opredijelili da se što kvalitetnije bavimo svojim poslom i da što bolje organiziramo vjerske i druge aktivnosti u džematu. Nismo se bavili drugima i to je dalo ovako dobre rezultate koje danas imamo u džematu“ - rekao je, između ostalog, hafiz Horozović.

Zna hafiz, jer hafizi su čuvari Kur`ana, da tamo stoji: „Vi radite, a Allah, Poslanik i pravi vjernici će vidjeti vaša djela...“

Dodajmo i hadis Poslanika, a.s: „Nije kompletne vjere onaj koga briga o vlastitim djelima ne odvrati od bavljenja tuđim.“

I još nešto. Pomenuto Savjetovanje održano je posljednjeg dana 1437. i prvi dan Nove 1438. hidžretske godine.

Allah mubarek, sretna vam i berićešta Nova hidžretska godina!


Idriz-ef. Karaman



Borås: Savjetovanje za predstavnike džemata IZBUŠ



NE ZABORAVIMO SVOJ IDENTITET
PRUŽIMO SVOJOJ DJECI VIŠE OD IGRAČAKA



SADRŽAJ

- Uvodnik
- Čestitka reisu-l-uleme
- Sjednica Savjeta glavnog imama
- Sjednica IO IZBUŠ
- Savjetovanje džemata
- Pregled aktivnosti - mekteb, kurbani, zekat i sadekatu-l-fitr
- Aktivnosti u džematu Stockholm
- Izgradnja objekta u džematu Borås
- Izgradnja objekta u džematu Örebro



Čestitka reisu-l-uleme povodom Nove 1438. hidžretske godine



Sarajevo, 30. septembar 2016. (MINA) – Prema Takvimu Rijaseta Islamske zajednice u Bosni i Hercegovini, u subotu 01. oktobra 2016. godine, sa zalaskom sunca nastupit će 01. muharrem 1438. hidžretske godine. Tim povodom reisu-l-uleme Islamske zajednice u

Bosni i Hercegovini Husein ef. Kavazović uputio je muslimanima novogodišnju čestitku u kojoj se kaže:

- Poštovana braćo i sestre, muslimani i muslimanke,

Sutra će sa zalaskom sunca nastupiti nova 1438. hidžretska godina. Na ovaj dan prisjećamo se hidžre, seobe Poslanika a.s. i prvih muslimana iz Mekke u Medinu, koja je bila i ostala trajno nadahnuće u životu svakog muslimana i muslimanke. Stoga danas hidžra opominje muslimane, muslimanske zajednice i institucije da mogu opstajati i razvijati se isključivo na principima pravde, morala i dobrobiti ljudi, a da je zulum i nasilje put u propast i iznevjeravanje Božjeg povjerenja. Ovaj događaj sa sobom nosi univerzalnu poruku svim ljudima da je njihov uspjeh u stalnom naporu da u svojim životima čine seobu od grijeha i zla prema dobru i dobročinstvu, da napuštaju ono što je štetno za njih i njihov moral u korist onoga što je dobro.

Pozivam muslimane i muslimanke da u svojim ličnim životima i javnom radu slijede univerzalne poruke Hidžre: da im današnji dan bude bolji i plodotvorniji od jučerašnjeg, da marljivo i neprestano rade kako bi u našem društvu otklonili sve oblike diskriminacije i nasilja, da pruže sklonište i utjehu svim ucviljenim i potlačenim i da bez oklijevanja materijalno i moralno pomognu svima kojima je njihova pomoći potrebna.

Svim muslimanima i muslimankama u Bosni i Hercegovini, Sandžaku, Hrvatskoj, Sloveniji, Srbiji i bošnjačkoj dijaspori, svim imamima i uposlenicima Islamske zajednice čestitam Novu 1438. hidžretsку godinu uz želju da svima bude sretna i berićetna i moleći Allaha dž. š. da muslimanima podari slogu, da ujedini njihova srca u dobru, da našu Zajednicu učvrsti u napretku, da našu Domovinu čuva u blagostanju i miru, i da svim ljudima ukaže na put sreće i uspjeha, stoji na kraju čestitke reisu-l-uleme Kavazović.

Članarina preko poreza

Broj potpisanih pristupnica u džematima IZBUŠ		
	16-08-30	16-10-03
Malmö	1453	1471
Stockholm	1177	1197
Göteborg	835	840
Borås	700	700
Norrköping	602	603
Skövde	545	547
Gislaved	430	428
Helsingborg	418	419
Landskrona	435	435
Trollhättan	320	319
Jönköping	312	322
Linköping	318	318
Trelleborg	280	280
Växjö	241	240
Halmstad	233	235
Örebro	169	169
Motala	147	151
Vetlanda	100	100
Surte	91	90
Varberg	66	68
Västerås	41	41
Karlstad	27	32
Värnamo	19	22
Kalmar	2	2
Karlskoga	0	0
Oskarshamn	0	0





U HALMSTADU ODRŽANA SJEDNICA SAVJETA GLAVNOG IMAMA IZBUŠ

U ponedjeljak, 15. avgusta 2016. godine, u Halmstadu je održana sjednica Savjeta glavnog imama Islamske zajednice Bošnjaka u Švedskoj. Na sjednici su analizirane aktivnosti u proteklom periodu, te utvrđen plan rada do kraja godine.

S obzirom da je član Savjeta glavnog imama Elvedin -ef. Bešlija morao oputovati u BiH radi obnavljanja zahtjeva za radnu dozvolu, u Savjet je, do njegovog povratka u Švedsku, kooptiran Nezir-ef. Špiodić.

U analizi je najviše vremena posvećeno vjerskoj pouci. Ove godine upisano preko 200 polaznika više u odnosu na prošlu godinu. Raduje ovaj rezultat, međutim, ako se zna da najveći broj naše djece uopće nije obuhvaćen mektebskom nastavom, potrebno je idalje iznalaziti metode i način kako privući nove i zadržati stare polaznike mektebske nastave.

Savjet je donio odluku o štampanju dorađenih udžbenika mektebske nastave, te potvrdio da će se ovogodišnje takmičenje polaznika mektebske nastave održati 29. oktobra u Boråsu.

Savjet je, također, donio odluku da svim džematima, koji su poslali zahtjev za pomoć u unaprjeđenju

mektebske nastave, odobri tražena sredstva.

Pored vjerske pouke, analizirani su rezultati akcije prikupljanja zekata i sadekatu-l-fitra, te druge ramazanske aktivnosti. Sa zadovoljstvom je konstatirano da je ove ove godine prikupljeno preko 500 000 kruna više u odnosu na prošlu godinu.

U izvještaju o organizaciji hadža konstatirano je da su sve pripreme obavljene na vrijeme i da ove godine u našoj organizaciji na hadž putuje 37 hadžija, od čega 23 muška i 14 žena.

Na kraju je Savjet odlučio da na ovogodišnji Centralni mevlud pozove profesora Fakulteta islamskih nauka u Sarajevu hafiza dr. Kenana Musića, te napravio listu drugih predavača, koje će pozvati, ukoliko hafiz ne bude u mogućnosti doći.



“I niko ne zna kakve ih, kao nagrada za ono što su činili,
skrivene radosti čekaju.” (Sedžda, 17.)



POČITELJ

U ÖREBRO ODRŽANA SJEDNICA IZVRŠNOG ODBORA IZBUŠ

U petak i subotu, 9. i 10. Narednog dana Izvršni odbor je septembra 2016. godine, u Örebru analizirao svoju video sjednicu, je održana sjednica Izvršnog detaljno planirao naredne odbora Islamske zajednice aktivnosti od kojih izdvajamo Bošnjaka u Švedskoj, savjetovanje za predstavnike

džemata, 1. i 2. oktobar, centralni mevlud, 15. oktobra u Örebru i savjetovanje za aktivne žene IZBUŠ od 4. do 6. novembra u Štokholmu.



Prvog dana sjednice analizirani su dostavljeni izvještaji glavnog imama, sekretara i blagajnika za protekli period, te analizirani važeći normativni akti i diskutirana njihova dopuna. Izraženo je zadovoljstvo postignutim, a posebno ostvarenim rezultatima u akciji prikupljanja zekata i sadekatul-l-fitra.

Islamskog centra u Örebru, gdje su ih domaćini Hazim-ef. Gurda i Munib Nuhić upoznali sa dinamikom realizacije projekta izgradnje centra. Trenutno su u toku radovi na izradi termo fasade, struje i ventilacije, a u planu je da se prije jeseni završe svi vanjski radovi.

Članarina preko poreza

- Potpisivanjem pristupnice za članstvo do 31. oktobra ove godine postajete član vašeg džemata od 01. 01. 2017. godine.
- Pristupnicu možete dobiti u vašem džematu ili preuzeti putem linka <http://izb.se/images/vazni-akti/medgivande.pdf>
- Visina članarine iznosi 0,7 % od godišnjeg bruto prihoda.
- Više informacija o članarini potražite na linku ili kod predstavnika vašeg džemata:
http://izb.se/images/vazni-akti/BROSURA_PC.pdf
- Poslanik, a.s. je rekao: „Ko umre ne pripadajući svom džematu, umro je džahilijetskom (nevjerničkom) smrću!“





U BORĀSU ODRŽANO SAVJETOVANJE ZA PREDSTAVNIKE DŽEMATA IZBUŠ

U subotu i nedjelju, 1. i 2. oktobra 2016. godine, u Borāsu je održano savjetovanje za predstavnike džemata Islamske zajednice Bošnjaka u Švedskoj. Uz prisustvo predstavnika 20 džemata, Savjetovanje je otvorio predsjednik Zajednice Sakib Kenjar. Predsjednik je prvo govorio o dosadašnjem radu, a onda diskusiju usmjerio ka budućem razvoju Zajednice. Naznačeno je nekoliko interesantnih tema o kojima se vodila veoma živa diskusija po, tzv. radionicama. Diskusije su rezultirale zaključkom o potrebi osnivanja fonda solidarnosti, te vakufskom fondu na nivou Švedske.

Nakon kraće pauze, u nastavku rada, svi džemati su dobili priliku da predstave najvažnije aktivnosti u svojim džematima, a onda je glavni imam Idriz-ef. Karaman podnio referat na temu „Osvrt na vjerske aktivnosti u džematima i Zajednici općenito.“ Referat je obuhvatio rezultate mektebske nastave, akcije prikupljanja zekata i sadekatu-l-fitra, uplate kurbanu, te organizacije odlaska na hadž. Na svim poljima konstatiran je mnogo bolji rezultat u odnosu na prošlu godinu, za šta su najzaslužniji imami, ali i rukovodstva džemata, kao i džemalije, bez kojih se, zapravo, ništa ne bi moglo uraditi.

Do kraja radnog dijela prvog dana još je predstavnica žena u IO IZBUŠ Fadila Jašarević predstavila dosadašnje aktivnosti oko pripreme seminara za aktivne žene u džematima IZBUŠ, koji će se održati od 4. do 6. novembra ove godine u Stockholmu, a u ime Statutarne komisije Idriz-ef. Karaman je pozvao da se svi džemati ukuljuče u pripremu za doradu normativnih akata IZBUŠ.

Prvi dan Savjetovanja završen je izvanrednim programom u povodu N.H. godine, kojeg su izveli polaznici mektebske nastave džemata domaćina i prisutni imami IZBUŠ.

Drugi dan Savjetovanja, zbog drugih obaveza i nemogućnosti da ostanu na konaku, prisutvovao je znatno manji broj prestavnika džemata.

Prva tema bila je „NBV i buduća saradnja sa ovom organizacijom“. Nakon što je uvodno izlaganje podnio predsjednik Sakib Kenjar, razvila se živa diskusija, koja je pokazala potrebu organiziranja NBV seminara na lokalnom i regionalnom nivou, na kojima bi se što detaljnije pojasnila pravila organiziranja kružaka i drugih aktivnosti u saradnji sa NBV.

Druga tema bila je „Projekt bosanskog jezika“, na čijem početku je Idriz-ef. Karaman kratko predstavio Rezoluciju o bosanskom jeziku, koju je usvojio Sabor Islamske zajednice u BiH, a onda je predstavnik Instituta za jezik Univerziteta u Sarajevu Muhidin Čolić prezentirao projekt kojeg zajednički vode nekoliko BH vladinih i nevladinih organizacija iz BiH i Švedske.

Posljednja tema Savjetovanja bila je „Sjećanje na genocid“, u sklopu koje su predstavnici Udruženja logoraša iz BiH u Švedskoj i Göteborgu Sejad Duračak i Sead Soldin predstavili izvanrednu izložbu i druge aktivnosti ovih organizacija, te prijedlog buduće saradnje sa Zajednicom i džematima.

Prijedlog je jednodušno prihvaćen i obećana saradnja na zajedničkim projektima.

Nakon ručka i podne namaza, ovaj skup je završen posjetom zemljištu na kojem niče budući Islamski centar našeg džemata u ovom gradu. Bio je to najbolji mogući završetak.

Razišli smo se zahvalni za sve što smo doživjeli u ova dva dana, uz dovu Allahu, dž.š., da nam pomogne u ovom i svim našim budućim projektima.

I.K.



PREGLED POSTIGNUTIH REZULTATA

MEKTEB 2015/2016

	Upisano	M	Ž	2015
1 Borås	50	16	34	57
2 Gislaved	98	50	48	65
3 Göteborg	113	35	78	122
4 Halmstad	64	32	32	57
5 Helsingborg	70	32	38	72
6 Jönköping	43	26	17	18
7 Kalmar	14	12	2	13
8 Karlskoga	Örebro			14
9 Karlstad	0	0	0	0
10 Landskrona	58	31	27	62
11 Linköping	52	28	24	64
12 Malmö	197	82	115	173
13 Motala				12
14 Norrköping	135	69	66	128
15 Oskarshamn	0	0	0	0
16 Skövde	67	36	31	69
17 Stockholm	155	87	68	103
18 Surte	19	8	11	28
19 Trelleborg	34	21	13	15
20 Trollhättan	73	31	42	64
21 Varberg				10
22 Vetlanda	13			15
23 Värnamo	169	73	96	177
24 Västerås	96	57	39	105
25 Växjö	45	17	28	55
26 Örebro	93	42	51	87
Ukupno	1 658	785	860	1 441

Akcija kurbani IZBUŠ

	Ukupan broj	2014	2015	2016
Borås	29	31	26	
Gislaved		3	2	
Göteborg	49	56	63	
Halmstad	11	15	22	
Helsingborg	11	10	12	
Jönköping	6	9	11	
Kalmar			1	
Karlskoga			1	
Karlstad				
Landskrona	21	29	34	
Linköping			5	
Malmö	105	107	116	
Motala	1		5	
Norrköping	13	19	15	
Örebro	42	33	42	
Oskarshamn	1			
Skövde	18	19	22	
Stockholm	39	50	68	
Surte	2	4	7	
Trelleborg	4	7	7	
Trollhättan	15	18	16	
Varberg	2			
Värnamo	9	8	14	
Västerås	15	21	19	
Växjö	1	2	7	
Vetlanda			2	
Račun IZBUŠ	50	65	63	
UKUPNO	444	506	580	



PREGLED PRIKUPLJENIH SREDSTAVA SADEKATU-L-FITRA I ZEKATA U DŽEMATIMA IZBUŠ

	Džemat	Zekat 2016.	S. fitr 2016.	Ukup. 2016.	Ukup. 2015.
1.	Borås	51 500	37 400	88 900	63 000
2.	Gislaved	20 000	21 500	41 500	29 500
3.	Göteborg	142 900	71 600	214 500	176 643
4.	Halmstad	33 700	26 500	60 200	55 400
5.	Helsingborg	64 200	44 400	108 600	82 600
6.	Jönköping	14 000	16 180	30 180	14 200
7.	Kalmar	5 900	9 100	15 000	12 100
8.	Karlskoga				1 600
9.	Karlstad	0	4 100	4 100	3 000
10.	Landskrona	44 600	63 700	108 300	70 800
11.	Linköping	15 000	17 600	32 600	25 100
12.	Malmö	268 275	142 800	411 075	294 400
13.	Motala	7 700	20 400	28 100	15 000
14.	Norrköping	56 500	40 000	96 500	79 300
15.	Oskarshamn	5 600	10 000	15 600	13 000
16.	Skövde	43 200	33 200	76 400	55 200
17.	Stockholm	136 777	80 900	217 677	189 739
18.	Surte	5 500	16 100	21 600	19 750
19.	Trelleborg	12 100	20 900	33 000	20 700
20.	Trollhättan	6 900	27 500	34 400	24 000
21.	Varberg	15 200	12 200	27 400	21 300
22.	Vetlanda	12 800	18 500	31 300	24 800
23.	Värnamo	170 500	40 900	211 400	135 000
24.	Västerås	64 000	48 500	112 500	67 400
25.	Växjö	34 300	15 310	49 610	61 600
26.	Örebro	184 200	96 700	280 900	278 400
	P.G. IZBUŠ	16 494	5 900	22 394	0
	UKUPNO:	1 431 846	941 890	2 373 736	1 833 532



JAUCE

DŽEMAT ŠTOKHOLM: BAJRAMSKA SVEČANOST

U subotu, 17.09.2016. (15.12.1437.) u restoranu u Akalli (Kista) održana je druga po redu humanitarna bajramska svečanost.

U organizaciji Islamske zajednice Stockholm je bio kulturno-vjerski dio programa, a u organizaciji FK Bosna 08 je zabavni dio programa.

Visina ulaznica od 400 kr za odrasle odnosno 200 kr za djecu nije predstavljalo poteškoću, te se ipak i ovogodišnjem bajramskom druženju na ovoj novoj lokaciji odazvalo preko 200 odraslih i skoro 100 djece.



Tu je bio i lijep prostor za obavljanje namaza i malo igralište za djecu napolju, gdje su se djeca skoro sve vrijeme igrala.

Pored bajramske večere, gosti su uživali u predavanju i ilahijama hfv. Aziz-ef. Alilija, lijepe dvije predstave WAW teatra iz BiH te koreografijama folklora "Zlatni Behar" iz Arboge.

Nastup mektebskog hora džemata Stockholm nije prošao nezapažen ni od strane hafiza Alilija, koji im je čestitao i naglasio da su rijetki horovi ili grupa učača ilahija kao ova djeca našeg mektebskog hora.

Rekordan broj hadžija iz Stockholma



Iz džemata Stockholm ove godine u organizaciji IZBUŠ-a putovalo je 6 hadžija, a sa još dvije organizacije hadž je obavilo još 11 naših džematlja - tako da ove godine naš džemat ima rekordnih 17 hadžija.

Kad je u pitanju odlazak sa IZBUŠ-om, svojevrstan rekord bio je 2004. godine kada je iz džemata Stockholm putovalo 11 džematlja na hadž.

Svima im želimo hadž mebrur - čestito obavljen i ukabuljen hadž.

Povodom nove hidžretske go- dine

Stockholm, 30.09. 2016., između akšama i jacije namaza, u prisustvu velikog broja roditelja i drugih džematlja, mektebski hor izveo je kolaz svojih ilahija, a hfv. Jusuf-ef. Horozović, imam iz Norrköpinga, je održao prigodan vaz. Poslije jacije su najmlađim članovima podijeljeni novogodišnji paketići sa produktima iz naše Domovine.



DŽEMAT BORÅS: POČELA PRIPREMA ZEMLJIŠTA ZA GRADNJU OBJEKTA

Islamska zajednica Bošnjaka Borås već duži vremenski period, vodi aktivnosti koje se tiču Vakuf fonda našeg džemata. Realizacija ovog projekta započela je kupovinom zemljišta, a prije nekoliko dana harili smo započeli i samu pripremu zemljišta za gradnju.

Ovo je važan trenutak kako za Bošnjake Boråsa, tako i za cjelokupnu Islamsku zajednicu, i drago nam je da ovu informaciju putem Biltena možemo podijeliti svima vama.

Koristimo ovu priliku da se zahvalimo svima onima koji su dali doprinos za realizaciju ovog projekta. Pred nama je ako Bog da još dosta rada i aktivnosti. Doveći Gospodaru da na nas spusti svoju pomoć, pozivamo sve one koji žele da učestvuju u ovom harili djelu da to i učine, jer je to jedan od puteva postizanja trajnog dobra i približavanja Njegovom zadovoljstvu.

Vaše uplate možete realizirati preko:

BG: 5051-0049 (Swedbank)

Swish: 123 213 61 58

BIZ Borås



Poštovana braća i sestre!

Zahvaljujemo vam se što ćete odvojiti potrebno vrijeme i pročitati ovaj tekst sa kojim želimo da vas upoznamo o provedenim i planiranim aktivnostima oko izgradnje vjerskog, kulturnog i sportskog centra, Bosanske kuće u Ōrebru.

O nama

Bosanska islamska zajednica Ōrebro osnovana je u aprilu 1994. godine i djeluje u sastavu Islamske zajednice Bošnjaka u Švedskoj. Od osnivanja pa do danas nalazimo se u iznajmljenim prostorijama. Prije nekoliko godina započeli smo sa gradnjom vlastitog objekta „Bosanske kuće“, Centra u kojem će se naša djeca, omladina i stariji okupljati, te kroz druženja, kulturne, vjerske i druge aktivnosti raditi na očuvanju i jačanju svog identiteta, vjere, kulture i tradicije. Centar će kroz planirane aktivnosti, ako Bog da, dati i pozitivan doprinos na planu međusbnog razumijevanja, tolerancije i pozitivne integracije u sredini u kojoj živimo.

U Bosanskoj kući koja će, ako Bog da, izgledati ovako bit' će smješteni:



Sadašnje i planirane aktivnosti

Dobrovoljnim prilozima iz našeg džemata i prilozima koje smo dobijali od vas, uspjeli smo uraditi potrebne zemljane radove i saliti prvu ploču. Nakon toga smo nastavili aktivnosti na iznalaženju najpovoljnijeg načina za finansiranje i nastavak gradnje objekta.

Obzirom da su ponude za izgradnju objekta koje smo dobili od nekoliko firmi bile izuzetno visoke, mi smo odlučili da preko Zavoda za useljenje zatražimo radne i boravišne dozvole za jedanaest radnika iz Bosne i Hercegovine. Nakon nekoliko mjeseci čekanja dobili smo potrebne dozvole za radnike tako da su oni 1. aprila ove godine nastavili sa gradnjom objekta.

Mi planiramo da, uz Allahovu i vašu pomoć, do Ramazanskog bajrama pokrijemo objekat, postavimo vanjsku stolariju i uradimo fasadu.

O toku dosadašnjih radova svakodnevno dajemo informacije sa fotografijama na našoj facebook stranici. „Lajkajte“ i dijelite dalje sa vašom rodbinom, prijateljima itd. www.facebook.com/bosanska.kuca

Pošto se radi o velikom objektu, a sredstva koja imamo trenutno na raspolaganju nisu dovoljna za završetak radova, odnosno useljenje, prinuđeni smo da ponovo pokrenemo širu akciju za prikupljanje novčanih sredstava za završetak radova na objektu. Iz tog razloga se i vama obraćamo sa molbom da svojim prilogom pomognete da se ovaj lijepi objekat što prije sagradi.





Sufara.ba
interaktivna

Bemuf

Muslimanski omladinski
savez u Švedskoj
www.bemuf.org



24h uživo prijenos iz
Mekke uz učenje
Kur'ana
YouTube:
"Makkah Live HD"

Ukoliko vam se naša ideja dopada i želite da
doprinesete izgradnji Islamskog Centra u Örebru i upišete
se u knjigu dobrotvora možete to učiniti na sljedeće načine:

Uplate iz Švedske:

Na Swish: 123 563 84 16

Na PlusGirot: 185 71- 0

Uplate izvan Švedske:

PAY TO: NORDEA BANK AB, BOX 1615, 701 16 Örebro

SWIFT KOD: NDEASESS

IBAN: SE 28 9500 0099 6034 0018 5710

BENEFICIARY: Bosniska islamiska församlingen

Stångjärnsgatan 3, 703 63 Örebro, Sweden



PITANJA I ODGOVORI

Na Vaša pitanja odgovara muftija
dr. Enes Ljevaković.



Vaša pitanja možete slati na e-mail:

pitanja@rijaset.ba

Pitanje:

Esselamu alejkum!

Da li je veliki grijeh da se žena muslimanka uda za čovjeka nemuslimana (čovjeka druge vjeroispovijesti) ako se vole i poštaju. Da li je dozvoljeno da ona poštuje njegove praznike a on njene, te da ona nastavi obavljati svoje islamske dužnosti i da se oko djece i njihove vjere dogovore. Ili je potrebno da on prihvati islam?

Odgovor:

Esselamu alejkum!

Muslimanki je strogo zabranjeno da se uda za nemuslimana. Takav "brak" se smatra ništavnim sa stanovišta islamskih propisa. Muslimanka se ne treba dovesti u situaciju o kojoj se govori u ovom pitanju. Ukoliko ta osoba iskreno prihvati islam prije sklapanja braka, tada je dozvoljeno da sklope bračni ugovor.



www.islamskazajednica.ba

POZIV NA SARADNUJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se



BILTEN

Informativne novine

**Islamske zajednice
Bošnjaka u Švedskoj**

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija
Nezir-ef. Špiodić

Stari brojevi/arhiva:

[www.izb.se/index.php/
bilten](http://www.izb.se/index.php/bilten)

Saradnici u ovom broju:

Merzuk-ef. Hadžirušidović,
Stockholm

Elvedin-ef. Bešlija, Borås